



शिक्षा मंत्रालय
MINISTRY OF
EDUCATION



कौशल विकास और उद्यमशीलता मंत्रालय
Ministry of Skill Development
And Entrepreneurship

भारती भाशा तकनीक शिखर सम्मेलन

30 सतंबर ते 1 अक्टूबर 2023

थाहर: डा. अम्बेडकर इंटरनेशनल सेंटर, जनपथ, नमीं दिल्ली

<https://technology-bharatiyabhasha.aicte-india.org/>

तकनीक ते भारती भाशा शिखर सम्मेलन दे बारे च

तकनीक ते भारती भाशा शिखर सम्मेलन च चर्चा दे त्रै प्रमुख खेत्तर न "भारती भाशाएं लेई तकनीक, भारती भाशाएं च तकनीक ते भारती भाशाएं दे राहें तकनीक"। शिक्षा मंत्रालय, भारत सरकार दी रैहबरी च भारती भाशा संस्थान, मैसूरु (सीआईएल), आसेआ यूनिवर्सिटी ग्रांट कमीशन (यूजीसी), अखिल भारती तकनीकी शिक्षा परिशद (एआईसीटीई), राश्ट्री शैक्षिक तकनीक मंच (एनईटीएफ), भारती भाशा समिति (बीबीएस), राश्ट्री शैक्षिक अनुसंधान ते सखलाई परिशद (एनसीईआरटी), राश्ट्री कित्ताकारी शिक्षा ते सखलाई परिशद (एनसीवीईटी) ते राश्ट्री शिक्षक शिक्षा परिशद (एनसीटीई) दे सैहजोग कत्रै इस कार्यक्रम दा आयोजन करै करदा ऐ। शिखर सम्मेलन दा उद्देश 30 सतंबर ते 1 अक्टूबर 2023 गी डा. अम्बेडकर इंटरनेशनल सेंटर, जनपथ, नमीं दिल्ली च सभनें हितधारकें गी इक मंच पर आहनना ऐ ते भारती भाशाएं दे इस्तमाल दे सभनें खेत्तरें च तकनीक दा इस्तमाल करदे होई राश्ट्री शिक्षा पालिसी - 2020 दे लक्ष्यें गी हासल करने दे तरीकें पर बचार-बमर्श करना ऐ।



शिखर सम्मेलन दी इस दो रोजा बैठक दरान नमीं दिल्ली च 1000 नुमायंदे दी शामिल होने दी मेद ऐ। इस आयोजन च प्रेज़न्टेशनां, पैनल चर्चा, प्रदर्शनियां ते नेटवर्किंग दे मौके शामिल होडन। शिखर सम्मेलन च भारती भाशाएं दे राहें तकनीक च कम्म करने आहले तकनीकी माहिर ते संस्थान, एआई (आर्टिफिशियल इंटेलिजेंस) ते एमएल (मशीन लर्निंग) शोधकर्ता, एडु-टेक कंपनियां, स्टार्ट-अप, यूजर ते ऐसी तकनीक दे नीति नरमाता हिस्सा लैडन। एह हाजर लोकें मझाटै बचारें ते सैहजोग बटांदरे दी स्थूलत प्रदान करग, ते भारत ते दुनिया च भाशा तकनीक, शोध ते नमांचार दे बाद्धे गी बढ़ावा देग।

शिखर सम्मेलन दा थीम

एनईपी-2020 शैक्षिक मौकें दी पौहच बधाने, समावेश ते बन्न-सबन्नता दी चिंताएं गी दूर करने ते देशै च शैक्षिक प्रणाली दी पौहच, म्यार, निरपक्खता, हासल करने दी जोगता ते जवाबदेही च सुधार लेई तकनीक दी बरतून पर बड़ा जोर दिंदा ऐ।

शिखर सम्मेलन दा उद्देश मजूदा भाशा इकोसिस्टम तंत्र थमां भारती भाशा इकोसिस्टम तंत्र च निर-बिघन संक्रमण लेई तकनीक दा लाह हासल करना ऐ। भाशा ते तकनीक दे संदर्भ च, त्र'ऊं मुख् खेत्तरें पर जोर दिता गेआ ऐ:

- भारती भाशाएं लेई तकनीक
- भारती भाशाएं च तकनीक
- भारती भाशाएं दे राहें तकनीक

भारती भाशाएं लेई तकनीक

बिसे दे इस पैहलू दा उद्देश शिक्षण, परख, सखलाई ते अनुवाद दे खेत्तरें च भारती भाशाएं लेई तकनीक दा इस्तमाल करना ऐ। शिक्षण च आनलाइन ते आफलाइन दोनै तरीकें कन्नै भारती भाशाएं गी सिक्खना ते पढ़ाना, लत्रिंग-टीचिंग समगरी दा बकास, शिक्षाशास्त्र बगैरा शामिल न। टेस्टिंग च भारती भाशाएं च भाशा म्हारत दे बक्ख-बक्ख स्तरें लेई टेस्टिंग तरीके ते टेस्ट शामिल न। सखलाई कन्नै मतलब सेवा थमां पैहले ते सेवाकाली भाशा ते बिसे शिक्षकें, मास्टर ट्रेनरें, भारती भाशाएं च पाठ्यपुस्तक लेखकें दी सखलाई ते तकनीक दा इस्तमाल करियै भाशा जांच ते मूल्यांकन च रुज्जे दे परीक्षकें ते माहिरें दी सखलाई कन्नै ऐ।

अनुवाद दा उद्देश भारती भाशाएं लेई भाशा अनुवाद उपकरणें गी विकसत ते उन्नत करना ते भारती भाशाएं च सखलाई हासल अनुवादकें दा इक बशाल पूल बनाना ऐ। एह अनुवाद लेई तकनीक दी जरूरत, भारती भाशाएं च डिजिटल अनुवाद मैनुअल ते माड्यूल विकसत करने, तकनीक दा इस्तमाल करने बगैरा दा जायजा लैग।





भारती भाशाएं च तकनीक

भारती भाशाएं च तकनीक इक ऐसा खेत्तर ऐ जित्यै राश्ट्र गी भारती भाशाएं च हार्डवेयर ते साफ्टवेयर टूल विकसत करने च इक बड्डी क्रांति आहनना बाकी ऐ। एहदा मतलब भारती भाशाएं च भारती आपरेटिंग सिस्टम (ओएस) ते मशीन लर्निंग (एमएल) दा नरमान, कोड ते प्रोग्रामें गी लिखने च भारती भाशाएं दा इस्तमाल, सार्वभौमिक मंजूरी लेई भारती भाशाएं दे तकनीकी इस्तमाल लेई मुख मानकें गी विकसत करना, भारती भाशाएं लेई मजूदा ओएस पर मल्टी-लेयर विकसत करना, भारती भाशाएं लेई वेब मानकीकरण, भारती भाशाएं च मोबाइल ऐप ते तकनीक विकसत करना, एआर (आग्मेन्टड रियालिटी) अधारत प्लेटफार्में दा बकास, एआर/वीआर (वर्चुअल रियलिटी)/एमवीआर (मिक्स्ड वर्चुअल रियलिटी)/सिमुलेशन/डिजिटल ट्विनिंग बगैरा कन्नै भारती भाशाएं गी एकीकृत करना ऐ। चेचा ध्यान भारती भाशाएं च तकनीक दे नरंतर बकास ते इसी मुखधारा च आहनने दे माध्यम राहें संसाधनें गी बंडने ते मकामीकृत करियै इस खेत्तर दे सभनें हितधारकें गी इक साथें आहनने पर होग।

भारती भाशाएं दे राहें तकनीक

जि'यां कि एनईपी-2020 च जिकर कीता गेआ ऐ, भारती भाशाएं दे राहें इंजीनियरिंग, मेडिकल, कनूनी ते होर पेशेवर कोर्स सनें सबूरी तकनीकी शिक्षा प्रदान करना, समगरी ते तरीकाकार बकास, संसाधनें (जि'यां डिजिटल पाठ्यपुस्तकें, लर्निंग-टीचिंग समगरी, भारती भाशाएं च डिक्शनरियां ते शब्दावली), जांच ते मूल्यांकन, स्कूलें च भारती भाशाएं दे राहें तकनीकी शिक्षा दे अलावा हुनर कोर्स प्रदान करना, कित्ताकारी शिक्षा संस्थान, यूनिवर्सिटियें ते पेशेवर शैक्षणिक संस्थान (जि'यां आईआईटी, एनआईटी, आईआईआईटी, आईआईएम, आईआईएसईआर, बगैरा) ते भारती भाशाएं दे इस्तमाल पर प्रिंट ते सोशल मीडिया लेई दिशानिर्देश ते मानक तयार करना इस पैहलू के तैहत प्रमुख खेत्तर न।

शिखर सम्मेलन दे प्रमुख खेत्तर

- ▶ तकनीक दी मदाद कन्नै भारती भाशाएं दे राहें शिक्षा प्रदान करने दे तरीकें दी खोज।
- ▶ तरजीही खेत्तरें दी पंछान करना जित्यै सभनें भारती भाशाएं लेई भारती भाशा तकनीक उपकरणें दी लोड़ ऐ।
- ▶ शिक्षण, सखलाई, परीक्षण ते भारती भाशाएं च शैक्षिक समगरी दा अनुवाद करने च तकनीक दा एकीकरण।
- ▶ भारती भाशा डोमेन च हालिया तकनीकी बकास दा प्रदर्शन। एहदे च भारती सांकेतिक भाशा ते ब्रेल लिपि लेई तकनीक बकास बी शामिल होग।
- ▶ तकनीकी दखल दे राहें सभनें सार्वजनिक ते निजी खेत्तरें च भारती भाशाएं गी बढ़ावा देना।
- ▶ भारती भाशाएं लेई ते उंदे राहें तकनीक बकास दी मजूदा स्थिति ते चनौतियें गी समझना।
- ▶ भारती भाशाएं लेई, भारती भाशाएं च ते उंदे राहें तकनीक दे भविक्ख दी दिशा दे तरीके ते साधन।

मेद कीते गे नतीजे

शिखर सम्मेलन भारती भाशाएं लेई, भारती भाशाएं च ते उंदे राहें तकनीक दे बकास ते इस्तमाल लेई रोडमैप पर इक दस्तावेज लेइयै सामनै औग

शमूलियत

शिक्षाविदे, उद्योग जगत दे आगुएं, भाशा माहिरें, भाशा विज्ञानकें, शिक्षा-तकनीक/स्टार्ट-अप कंपनियें, राज्य सरकारें, भाशा तकनीक शोधकर्ताएं ते डेवलपरें, नीति ते निरना नरमाताएं गी इस शिखर सम्मेलन च हिस्सा लैने लेई साद्दा दिता जंदा ऐ।

रजिस्ट्रेशन प्रक्रिया

<https://technology-bharatiyabhasha.aicte-india.org/> पर रजिस्टर करो

शिखर सम्मेलन च हिस्सा लैने लेई सीमत गिनती च प्रतिभागियें गी साद्दा दिता जाहग।

प्रतिभागियें दी तसदीक स्हेई मौका औने पर कीती जाहग।

राबता ब्योरा:

प्रोफेसर शैलेंद्र मोहन

निदेशक

भारती भाशा संस्थान

मानसागंगोत्री, हुंसुर रोड

मैसूरु-570006, कर्नाटक, भारत

फोन नंबर: +91 821 2345000, +91 821 2345006

फैक्स नंबर: +91 821 2515032

ईमेल: director-ciil@gov.in

